

**YMCHWILIAD CRAFFU – GWASANAETHAU CEFNOGOL ADDYSG****CASGLIADAU CYCHWYNOL O'R YMWELIADAU YSGOL****a. GwE**

- Cost – er bod gwell dealltwriaeth o'r elfen gomisiynu gofynnir a dderbynnir gwerth am arian ac a oes angen eu prisio lawr? (Fel sylw mae hyn yn fater i'w drafod bellach yn y Pwyllgor Craffu, wrth i'r Pwyllgor ystyried yr hyn y mae'r Awdurdod yn ei gomisiynu gan GwE ac effeithlonwydd y gwaith sy'n codi o'r comisiwn hynny)
- Angen sicrhau nad yw ysgolion gwyrdd yn cael eu hanwybyddu (Mae hyn wedi ei godi eisoes mewn cyfarfod Pwyllgor Craffu – yr ateb a roddwyd oedd bod pob ysgol yn cael sylw ac arwyddion cynnar o unrhyw broblemau yn cael sylw buan)
- Angen ystyried y model ysgol i ysgol e.e. cydweithio gydag ysgolion cyffelyb mewn siroedd eraill i osgoi cystadlu rhwng ysgolion cyfagos ac o'r un ardal (Mae hyn yn amlwg yn fodel sydd â llawer o botensial ond llawer o risgiau hefyd o ran ysgolion yn cynorthwyo eu gilydd ond hefyd risg i'r ysgolion cryfaf o ran colli adnoddau ac arbenigedd)

**b. Cynnal**

- Angen adolygu'r gwasanaeth a gynigir gan CYNNAL (Roedd cryn amrywiaeth barn ymysg penaethiaid ynglyn ag effeithlonwydd Gwasanaeth Cynnal. Roedd teimlad hefyd bod Cynnal ar ei ffurf bresennol yn fymryn o etifeddiaeth o strwythur gwreiddiol Cynnal, cyn sefydlu GwE, a bod angen edrych a ellir cyfarfod â'r angen mewn ffordd wahanol .
- Dysgu o brofiadau ardaloedd eraill (Cysylltwyd â holl siroedd eraill Cymru i geisio gwybodaeth am eu strwythurau cefnogol. Derbyniwyd 12 o atebion amrywiol iawn. Cyfeiriwyd at ymateb siroedd Caerfyrddin a Cheredigion sydd, ymysg eraill, yn darparu gwasanaeth TG yn fewnol gyda'r adborth yn ganmoladwy. Prin ydoedd sylwadau ar gyfer cydweithio heblaw gan awdurdodau Castell-nedd a Phort Talbot. Nodwyd bod lle i edrych ymhellach am ymarfer da gan awdurdodau Cymru o'u darpariaethau eraill anuniongyrchol i ysgolion.
- Dadansoddiad o'r gost. (Ceisiwyd gwybodaeth am gostau Cynnal)

**c. Gwasanaethau'r Awdurdod**

- Gofyn i'r Adran Addysg drafod mewn manylder gyda'r Ymchwiliad y model ar gyfer y Swyddfeydd Ardal. (Cafwyd trafodaeth ar hyn a mynegodd yr Ymchwiliad farn am y gwasanaethau mwyaf priodol i'w cefnogi o'r Swyddfeydd ardal)
- Ystyried trefniadau'r CLG – angen pwynt cyswllt i wasanaethau penodol e.e. cynnal adeiladau (Mae hwn yn fater i gadw llygad arno wrth fonitro datblygiad y Swyddfeydd Ardal i'r dyfodol)

- Arweiniad cyllidol – rhagamcan o'r gyllideb am 3 blynedd. (Mae hyn yn fater i'w drafod gyda'r Adran Addysg ond mae'n ymddangos, ar hyn o bryd, y gall fod yn anodd gwarantu hyn oherwydd natur setliadau ariannol blynyddol y Cyngor ei hun)